

PAPAKILO [Hawaiian Newspapers Collection](#) Menu ▾[Translate](#)
www.earthlink.org[Ka Nupepa Kuokoa / 22 February 1923](#)[/ NA UPENA LAWAPA O KA WA KAHIKO AME KA LAKOU HANA PAKAHI.](#)

Ka Nupepa Kuokoa, Volume LXII, Number 8, 22 February 1923
— NA UPENA LAWAPA O KA WA KAHIKO AME KA LAKOU HANA
PAKAHI. [ARTICLE]

[Back](#)

'NA UPENA LAWAPA O KA WA KAHIKO AME KA LAKOU HANA PAKAHI.

(Kakaula e Z. P. K. Kawaikaumai-
ikamakaokaopua.)

Upena 1. Upena Akiikii, a he upena luuluu, alua inoa o keia upena lawai'a. Aole paha i ike ka hapanui o na lawai'a i keia ano upena, a i ole, aole no paha mea hookehahi i ike. A e lawe hoi i ka Nupepa Kuokoa i ike i ka hana a ia upena!

O ke ano o keia upena, ua like me ka pai ohua e hanala ai i ka Inalua, ka nui omua, a o ko ka

pai onua nei nei noi, ne monai aku
kela.

He wahi eke no mahope o keia upena a kahi kupono au e ike ana, ua kupono ka waha ma ia wahi alaila,, kukulu; no ka mea, ua lawa na wahi apau au e kukulu ai, oiai, he upena liili no; a ma ka waha o ka upena malalo, ua hanala he mau wahi pohaku elua i mea e oni ole ai, a puehu ka i'a.

E pa pohaku ana oe ma na aoao elua, elike me na pa upena akule, upena kauwaa, a pela aku; a paa keia mau mea i ka hana, alaila, ua hele mua oe e luu wana, i manunu. Eia no keia ano upena iuka loa no, i kahi papa'u.

Opaopa ae oe i ka wana a okaoka, alaila, lawe aku oe a waiho

Ma kahi o ka waha e hamama ana, waiho aku; alaila, nee mai oe a kaawale iki, o ike maopopo aku ana no oe i ka upena, a ina no he nuu pohaku e opu ako'ako'a naha

ku oe malaila; no ka mea, aole hohonu ke kai; he anana no, a emi mai. Ke ku la no oe nana, a ike no oe i ka i'a i ke komo e ai i ka wana au i opaopa ai, alaila, luu aku la oe.

I kou wa e luu aku ai, e pau loa ana i ke kono iloko, a noho iloko o ka eke. Aole hookahi i'a e puka no ka mea, ua paa na aoao elua i ka paia. A o na i'a e komo iloko o keia ano upena, he i'a maikai wale no; o ka weke, o ka panuhunu, pakole, halahala, ame ka moano. Aole komo na i'a ino iloko o keia ano upena.

Pau no, hoihoi hou no ma kahi i ku mua ai, a o ka wana ka mea hookomo, a hoi mai no oe aluna o ka puu pohaku ku nana, a komo no luu. Aia no ia oe ka pau o ka luu ana, ina ua ike oe ua lawa, a ua nui maoli no ka i'a, alaila, pau kau luuluu ana; o ia ka mea i kapaia ai ka inoa o keia upena, he upena akiikii, a luuluu.

O keia ano upena, he upena keia

na ka poe pii ika i ka mahiai, a ahiahi iho mai, lalau no keia upena o ka hele aku la no ia. Aole olelo aku i kekahi, hele ae kaua i ka lawai'a.

He upena keia no na wa apau e makemakeia ana; a ua lawa loa i ka mea hookahi. Aole kuanui elike me na upena e ao, aia elua, ekolu, eha, alaila, loa ka i'a. Ua manao ka mea kakau, ina e hoa'olia keia ano upena ma kahi nui o ka i'a, aole e nele ana ka loa nui o ka i'a.

O ka wana no ka mea nui, a loa no, o ka hele aku la no ia e kuku. A aka-ke ae la oe iluna o ka puu pohaku, a opu ako'ako'a e okuu ai.

Ea, hoohanaia mai keia ano upena a ka poe kahiko! Ua nalowale loa keia upena a ka poe kahiko, aole hoohanaia, no ka ike ole o ka poe hou o keia au.

(Aole i pau.)

This article has been automatically clipped from the Ka Nupepa Kuokoa 22 February 1923, organised into a single column, then optimised for display on your computer screen. As a result, it may not look exactly as it did on the original page. The article can

be seen in its original form in the [page view](#).
